

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 138. sjednici, održanoj dana 29.03.2018. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi poslanika Midhata Delića, broj: 01-02-3360/18, od 27.02.2018. godine, vezano za pripremu i upućivanje u skupštinsku proceduru Nacrta Zakona o udžbenicima u Zeničko-dobojskom kantonu, a koje se prilaže uz ovaj zaključak i smatra njegovim sastavnim dijelom.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____ /18.

Datum, 29.03.2018. godine

Z e n i c a

PREMIJER

Miralem Galijašević

DOSTAVLJENO:

1x Stručna služba Skupštine Zeničko-dobojskog kantona;

1x Ministarstvu za obrazovanje, nauku, kulturu i sport;

1x a/a.

Na postavljenu poslaničku inicijativu, na 56., sjednici Skupštine Zeničko-dobojskog kantona, od 23.02.2018. godine, od strane poslanika Midhata Delića, a vezanu za pripremu i upućivanje u skupštinsku proceduru Nacrta Zakona o udžbenicima u Zeničko-dobojskom kantonu, Ministarstvo za obrazovanje, nauku, kulturu i sport Zeničko-dobojskog kantona, daje sljedeće:

MIŠLJENJE

Pojam udžbenika, radnog udžbenika i drugih nastavnih sredstava, uslovi i postupak njihovog odobravanja, prava i obaveze izdavača, te izbor udžbenika, radnih udžbenika i drugih nastavnih sredstava u osnovnim i srednjim školama, u kojima se primjenjuje nastavni plan i program Federacije BiH uređuje se Odlukom o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole („Službene novine Federacije BiH“, broj 36/11).

Procedura odobravanja udžbenika počinje zahtjevom za odobrenje udžbenika, radnih udžbenika i drugih nastavnih sredstava za osnovne škole koju podnosi izdavač Koordinaciji ministara obrazovanja i nauke u Federaciji BiH, putem Ministarstva.

Koordinacija ministara obrazovanja i nauke Federacije BiH objavljuje Spisak odobrenih udžbenika i radnih udžbenika, priručnika, radnih listova i zbirki zadataka za osnovne škole, gimnazije i srednje tehničke i stručne škole.

Ministar Ministarstva za obrazovanje, nauku, kulturu i sport Zeničko-dobojskog kantona kao ravnopravan član tima Koordinacije ministara učestvuje u cjelokupnoj proceduri odobravanja udžbenika i donosi Odluku o upotrebi udžbenika i nastavnih sredstava u tekućoj školskoj godini i zajedno sa spiskom odobrenih udžbenika, priručnika, radnih listova i zbirki zadataka za osnovne škole, gimnazije i srednje tehničke i stručne škole, uputi prema školama.

Pored činjenice da je resorno ministarstvo u prethodnim školskim godinama osiguravalo nabavku udžbenika za učenike svih razreda osnovnih škola koji su od strane škola prijavljeni kao učenici u stanju socijalne potrebe, date su i preporuke školama (svake školske godine) da učenici izvrše razmjenu udžbenika radi ekonomičnosti i rješavanja pitanja nabavke udžbenika na vrijeme, a također udruženja roditelja organizuju razmjenu udžbenika prije početka ili u prvim danima školske godine, kako bi smanjili troškove nabavke udžbenika.

Ministarstvo za obrazovanje, nauku, kulturu i sport Zeničko-dobojskog kantona ne može favorizovati jednog ili više autora udžbenika, jer svi autori udžbenika imaju jednaka prava nakon što dobiju rješenje o upotrebi njihovih udžbenika. S obzirom da ministarstvo obrazovanja na federalnom nivou ima Sektor za koordinaciju udžbeničke politike, donošenjem posebnog zakona na nivou Kantona, ujedno bi bili napušteni principi i smjernice usaglašene udžbeničke politike na nivou FBiH.

Stoga, a nakon detaljne elaboracije podnesene inicijative u vezi sa pripremom i upućivanjem u skupštinsku proceduru Nacrta Zakona o udžbenicima u Zeničko-dobojskom kantonu, mišljenja smo da u ovom momentu, nisu stečeni uvjeti za donošenje Zakona o udžbenicima u Zeničko-dobojskom kantonu, a posebno zbog činjenice da trenutna udžbenička politika doprinosi općoj integraciji i jačanju zajedništva na području Federacije Bosne i Hercegovine.

S poštovanjem,

MINISTAR

Mensur Sinanović